

食貨典第三百四十四卷

鐵部彙考二

書經 禹貢

梁州厥貢璆鐵銀鏤

蔡鐵柔鐵也鏤剛鐵可以刻鏤者也言鐵而先於銀者鐵之利多於銀也後

世蜀之卓氏程氏以鐵冶富擬封君則梁之利尤在於鐵也

山海經 西山經

符禺之山其陰多鐵

英山其陰多鐵

竹山其陰多鐵

泰冒之山其陰多鐵

龍首

之山其陰多鐵

西皇之山其陰多鐵

鳥山其陰多鐵

孟山其陰多鐵

北山經

號山其陰多鐵

潘侯之山其陰多鐵

柘山其陰有鐵

維龍之山其陰有鐵

白馬

之山其陰多鐵

乾山其陰有鐵

中山經

漆山其陰多鐵

秦威之山其中有谷曰臬谷其中多鐵

橐山其陰多鐵

夸父之山其

陰多鐵

少室之莫其下多鐵

役山上多鐵

荆山其陰多鐵

銅山其上多金銀鐵

玉山其下多碧鐵

岐山其下多鐵

騶山其陰多鐵

虎尾之山其陰多鐵

又原之

山其陰多鐵

帝囷之山其陰多鐵

兔牀之山其陽多鐵

鮮山其陰多鐵

求山其

陰多鐵

丙山多鐵

風伯之山其下多鐵

洞庭之山其下多銀鐵

暴山其下多鐵

神異經

齧鐵

南方有獸焉角足大小形狀如水牛皮黑如漆食鐵飲水其糞可爲兵器其利如剛名曰齧鐵

元黃經云南方齧鐵糞利爲剛食鐵飲水腸中不傷瘴按今蜀中深山亦有齧鐵獸

廣雅

釋器

鐵朴謂之礪

本草綱目 鐵

釋名

黑金 烏金 李時珍曰鐵截也剛可截物也於五金屬水故曰黑金

集解

別錄曰鐵出牧羊平澤及枋城或析城采無時 陶弘景曰生鐵是不破鑄鎗釜之類鋼鐵是雜

鍊生鑄作刀鎌者鑄音柔 蘇頌曰鐵今江南西蜀有爐冶處皆有之初鍊去礦用以鑄瀉器物

者爲生鐵再三銷拍可以作錄者爲鑄鐵亦謂之熟鐵以生柔相雜和用以作刀劍鋒刃者爲鋼鐵
鍛家燒鐵赤沸砧上打下細皮屑者爲鐵落鍛竈中飛出如塵紫色而輕虛可以磨磨銅器者爲鐵
精作鍼家磨鑢細末者謂之鍼砂取諸鐵於器中水浸之經久色青沫出可以染皂者爲鐵漿以鐵
拍作片段置醋糟中積久衣生刮取者爲鐵華粉入火飛鍊者爲鐵粉又馬銜秤錘車轄及鋸杵刀
斧並俗用有效 李時珍曰鐵皆取礦土炒成秦晉淮楚湖南閩廣諸山中皆產鐵以廣鐵爲良

甘肅土錠鐵色黑性堅宜作刀劍西番出寶鐵尤勝寶藏論云鐵有五種荆鐵出當陽色紫而堅利
上饒鐵次之寶鐵出波斯堅利可切金玉太原蜀山之鐵頑滯剛鐵生西南瘴海中山石上狀如紫
石英水火不能壞穿珠切玉如土也土宿本草云鐵受太陽之氣始生之初鹵石產焉一百五十年

而成慈石二百年孕而成鐵又二百年不經采鍊而成銅銅復化爲白金白金化爲黃金是鐵與金銀同一根源也今取慈石碎之內有鐵片可驗矣鐵稟太陽之飛而陰氣不交故燥而不潔性與錫相得管子云上有赭下有鐵

鐵

蘇恭曰此柔鐵也卽熟鐵

陳藏器曰經用辛苦者曰勞鐵

氣味

辛平有毒

大明曰畏慈石火炭能制石亭脂毒

雷斅曰鐵遇神砂如泥似粉

李時珍

曰鐵畏皂莢猪犬脂乳香朴硝礞砂鹽鹵荔枝獐食鐵而蛟龍畏鐵凡諸草木藥皆忌鐵器而補腎藥尤忌之否則反消肝腎傷肝傷氣母氣愈虛矣

主治

本經曰墜膿耐痛

陳藏器曰勞鐵療賊風燒赤投酒中飲

生鐵 氣味

辛微寒微毒

主治

別錄曰下部及脫肛

大明曰鎮心安五臟治痢疾黑髮髮治癰及惡瘡疥蜘蛛咬蒜磨生油調

傅 李時珍曰散瘀血消丹毒

發明

蘇恭曰諸藥療病並不入散皆煮取汁用之

陳藏器曰鐵砂鐵精並入丸散

李時珍曰鐵

於五金色黑配水而其性則制木故痢疾宜之素問治陽氣太盛病狂善怒者用生鐵落正取伐木之義日華子言其鎮心安五臟豈其然哉本草載太清服食法言服鐵傷肺者乃肝字之誤

附方

脫肛歷年不入者生鐵二斤水一斗煮汁五升洗之日再

集驗方

熱甚耳聾燒鐵投酒中飲之仍

以慈石塞耳日易夜去之

千金方

小兒丹毒燒鐵淬水飲一合

陳氏本草

小兒燥瘡一名爛瘡燒

鐵淬水中二七遍浴之二三起作漿

子母秘錄

打撲瘀血在骨節及脇外不去以生鐵一斤酒三升

煮一升服

時後方

熊虎傷毒生鐵煮令有味洗之

方同上

鋼鐵釋名

跳鐵首條

集解

李時珍曰鋼鐵有三種有生鐵夾熟鐵鍊成者有精鐵百鍊出鋼者有西南海山中生成狀如紫石英者凡刀劍斧鑿諸刃皆是鋼鐵其鐵砂鐵粉鐵精亦皆用鋼鐵者按沈括筆談云世用鋼鐵以柔鐵包生鐵泥封鍊令相入謂之團鋼亦曰灌鋼此乃偽鋼也真鋼是精鐵百鍊至斤兩不耗者純鋼也此乃鐵之精純其色明瑩磨之黯然青且黑與常鐵異亦有鍊盡無鋼者地產不同也又有地漫淬柔鐵三三次卽鋼可切玉見石腦油下凡鐵內有硬處不可打者名鐵核以香油塗燒之卽散

氣味

甘平無毒

主治

別錄曰金瘡煩滿熱中脅膈氣塞食不化

鐵粉

蘇恭曰乃鋼鐵飛鍊而成者人多取雜鐵作屑飛之其體重真鋼者不爾也

氣味

鹹平無毒

主治

宋開寶曰安心神堅骨髓除百病變黑潤肌膚令人不老體健能食久服令人身重肥黑合和諸藥各有所主 許叔微曰化痰鎮心抑肝邪特異

附方

驚癇發熱鐵粉水調少許服之

聖惠方

急驚涎潮壯熱悶亂鐵粉二錢硃砂一錢爲末每服一字

薄荷湯調下

楊氏家藏方

傷寒陽毒狂言妄語亂走毒氣在臟也鐵粉二兩龍膽草一兩爲末磨刀

水調服一錢小兒五分

全幼心鑑

頭痛鼻塞鐵粉二兩龍腦半分研勻每新汲水服一錢

聖惠方

雌雄疔瘡鐵粉一兩薑青根三兩搗如泥封之日二換

集元方

風熱脫肛鐵粉研同白斂末傳上

按入

直指方

鐵砂

陳藏器曰此是作鐵家磨鑪細末也須真鋼砂乃堪用人多以柔鐵砂雜和之飛爲粉人莫能辨也亦堪染皂

主治

陳藏器曰功同鐵粉和沒食子染鬚至黑 李時珍曰消積聚腫滿黃疸平肝氣散鬱

附方

風濕脚痛鐵砂川烏頭爲末和勻炒熱縣包熨之

摘元方

風痺暖手鐵砂四兩礪砂三錢黑脚白

礪六錢研末以熱醋或水拌濕油紙裹置袋內任意執之冷再拌

聖濟錄

脾勞黃病鐵砂四兩醋

炒七次乾漆燒存性二錢香附三錢平胃散五錢爲末蒸餅丸梧子大任湯使下

摘元方

濕熱黃

瘡助脾去濕鐵砂丸用鐵砂不拘多少搗盡鋪淘洗白色以米醋于鐵銚內浸過一宿炒乾再炒三

五次候通紅取出用陳粳米半升水浸一夜搗粉作塊煮半熟杵爛入鐵砂二兩半百草霜炒一兩半搗千下丸梧子大每服五十丸用五加皮牛漆根木瓜浸酒下初服若泄瀉其病源去也

乾坤生意

水腫尿少鐵砂醋煮炒乾猪苓生地龍各三錢爲末葱涎研和傅臍中約一寸厚縛之待小便多爲

度日二易之入甘遂更妙

德生堂方

泄瀉無度諸藥不効方同上不用甘遂

醫學正傳

虛寒下痢腸

滑不禁鐵砂七錢半官桂一錢枯礬一錢爲末以涼水調攤臍上下縛之當覺大熱以水潤之可用

三四次名玉胞肚

仁存方

項下氣壅鐵砂入水缸中浸之飲食皆用此水十日一換砂半年自消

散

楊仁齋直指方

染白鬚髮鐵砂醋炒七次一兩訶子白荑各四錢百藥煎六錢綠礬二錢爲末用熱

醋調刷鬚髮茶葉包住次早酸漿洗去此不壞鬚亦不作紅 又方鐵砂蕎麪各一兩百藥煎爲末

茶調夜塗旦洗再以訶子五錢沒石子醋炒一個百藥煎少許水和塗一夜溫漿洗去黑而且光

鐵落 釋名

鐵液 鐵屑 鐵蛾 陶弘景曰鐵落是染皂鐵漿也

蘇恭曰是鍛家燒鐵赤沸砧上鍛之

皮甲落者若以漿爲鐵落則鋼浸之汁復謂何等落是鐵皮滋液黑于餘鐵故又名鐵液 李時

珍曰生鐵打鑄皆有花出如蘭如蛾故俗謂之鐵蛾今煙火家用之鐵末浸醋書字於紙背後塗墨如碑字也

氣味

辛平無毒

別錄曰甘

主治

本經曰風熱惡瘡瘍疽瘡痂疥氣在皮膚中

別錄曰除脅膈中熱氣食不下止煩去黑子可以

染皂

大明曰治驚邪癩痢小兒客忤消食及冷氣並煎服之

陳藏器曰主鬼打鬼瘡邪氣

水漬沫出澄清暖飲一二盃

蘇恭曰炒熱投酒中飲療賊風瘧又裹以熨腋下療胡臭有驗

李時珍曰平肝去怯治善怒發狂

發明

李時珍曰按素問病態論云帝曰有病怒狂者此病安生岐伯曰生於陽也陽氣者暴折而不決故善怒病名陽厥曰何以知之曰陽明者常動巨陽少陽不動而動大疾此其候也治之當奪其食則

已夫食入于陰長氣于陽故奪其食卽已以生鐵落爲飲夫生鐵落者下氣疾也此素問本文也愚嘗釋之云陽氣怫鬱而不得疏越少陽膽木挾三焦少陽相火巨陽陰火上行故使人易怒如狂其巨陽少陽之動脈可診之也奪其食不使胃火復助其邪也飲以生鐵落金以制木也木平則火降故曰下氣疾速氣卽火也又李一南承類方云腫藥用鐵蛾及鐵砂入丸子者一生須斷鹽蓋鹽性濡潤腫若再作不可爲矣制法用上等醋煮半日去鐵又取醋和蒸餅爲丸每薑湯服三四十丸以効爲度亦只借鐵氣爾故日華子云煎汁服之不留滯於臟腑借鐵虎之氣以制肝木使不能剋脾土土不受邪則水自消矣鐵精鐵粉鐵華粉鐵砂鐵漿入藥皆同此意

附方

小兒丹毒鍛鐵屎研末猪脂和傅之

千金方

鐵精 釋名

鐵花 陶弘景曰鐵精鐵之精華也出鍛竈中如塵紫色輕者爲佳亦以摩瑩銅器用之

氣味

平微溫

主治

本經曰明目化銅

別錄曰療驚悸定心氣小兒風癩陰瘡脫肛

發明

見鐵落

附方

下痢脫肛鐵精粉傳之

至寶方

女人陰脫鐵精羊脂布裹炙熱熨推之

聖惠方

男子陰腫鐵精

粉傳之

子母祕錄

疔腫拔根鐵渣一兩輕粉一錢麝香少許爲末針畫十字口點藥入內醋調麪糊

傳之神効

普濟方

食中有蠱腹內堅痛面目青黃淋露骨立病變無常用爐中鐵精研末雞肝和

丸梧子大食前酒下五丸不過十日愈

肘后方

蛇骨刺人毒痛鐵精粉豆許吹入瘡內

肘后方

鐵華粉

釋名

鐵引粉

鐵艷粉

鐵霜

修治

馬志曰作鐵華粉法取鋼鍛作葉如笏或團平面磨醋令光淨以鹽水洒之於醋甕中陰處埋之一百日鐵上衣生卽或粉矣刮取細搗篩入乳鉢研如麪和合諸藥爲丸散此鐵之精華功用強於鐵粉也 大明曰懸於醬甕上生霜者名鐵引粉淘去粗滓鹹味烘乾用

氣味

鹹平無每

主治

開寶曰安心神堅骨髓強志力除風邪養血氣延年變病去百病隨所冷熱和諸藥用棗膏爲丸
大明曰止驚悸虛癩鎮五臟去邪氣治健忘冷氣心痛疔癰癥結脫肛痔瘻宿食等及傳竹木刺入肉

發明

見鐵落

附方

婦人陰挺鐵孕粉一錢龍腦半錢研水調刷產門

危氏得効方

鐵鏽 釋名

鐵衣 陳藏器曰此鐵上赤衣也刮下用

主治

陳藏器曰惡瘡疥癬和油塗之蜘蛛蟲咬蒜磨塗之 李時珍曰平肝墜熱消瘡腫口舌瘡醋磨

塗蜈蚣咬

發明

李時珍曰按陶華云鐵鏽水和藥服性沉重最能墜熱開結有神也

附方

風癢癰疹鏽鐵磨水塗之 集簡方 湯火傷瘡青竹燒油同鐵鏽搽之 積德堂方 丁腫初起多年土

內釘火鍛醋淬刮下鏽末不論過次煨取收之每用少許人乳和挑破傅之仍炒研二錢以堇水煎

滾待冷調服 普濟方 腳腿紅腫熱如火炙俗名赤遊風用鐵鏽水塗解之 惠濟方 重舌腫脹鐵

鏽鎖燒紅打下鏽研末水調一錢噙嚙 生生編 小兒口瘡鐵鏽末水調傅之 集簡方 內熱遺精

鐵鏽末冷水服一錢三服止

活人心統

婦人難產雜草燒鐵鏽白芷等分爲末每服二錢童尿米醋

各分半和服見効

急救方

鐵熱 釋名

刀烟 刀油 李時珍曰以竹水熱火於刀斧刃上燒之津出如漆者是也江東人多用之

主治

陳藏器曰惡瘡蝕金瘡毒物傷皮肉止風水不入水不爛手足軟折瘡根結筋癰癰毒腫染髭髮令永黑及熱未凝時塗之少頃當乾硬用之須防水又殺蟲立效

附方

項邊癰子以桃核於刀上燒烟熏之

陳氏本草

鐵漿 集解

陳藏器曰陶氏謂鐵落爲鐵漿非也此乃取諸鐵於器中以水浸之經久色青沫出卽堪染皂者

陳承曰鐵漿是以生鐵漬水服餌者旋入新水日久鐵上生黃膏則力愈勝唐太妃所服者乃此也

古今圖書集成
若以染阜者爲漿其酸苦臭澀不可近矧服食乎

氣味

鹹寒無毒

主治

陳藏器曰鎮心明目主癩癧發熱急黃狂走六畜顛狂人爲蛇犬虎狼毒刺惡蟲等咬服之毒不入肉也兼解諸毒入腹

附方

時氣生瘡脅中熱鐵漿飲之

梅師方

一切丁腫鐵漿日飲一升

千金方

發背初起鐵漿飲二升

取利

外臺祕要

蛇皮惡瘡鐵漿頻塗之

談野翁方

漆瘡作痒鐵漿頻洗愈

外臺祕要

諸鐵器集解

李時珍曰舊本鐵器條繁今撮爲一大抵皆是借其氣平木解毒重墜無他義也

鐵杵

即藥杵也

主治